



Broj: 03/7-02-4-1721/24

Sarajevo, 17. 9. 2024.

Parlamentarna skupština BiH
Kolegiju Predstavničkog doma
Ustavnoправној komisiji Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17-09-2024			
Organizaciona jedinica	Klasifikaciona oznaka	Redni broj	Broj priloga

Na osnovu člana 106. st. (1) i (2) i 186. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 78/19, 26/20, 53/22, 59/23 i 87/23), te člana 2. st. (1) i (2) Jedinствених pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21), Zakonodavno-pravni sektor daje sljedeće

Mišljenje

o

Prijedlogu dopune Poslovnika Predstavničkog doma Parlamentarne skupštine Bosne i Hercegovine

I. Zakonodavno-pravni sektor Zajedničke službe Sekretarijata Parlamentarne skupštine Bosne i Hercegovine (u daljnjem tekstu: Zakonodavno-pravni sektor) zaprimio je 16. 9. 2024. dopis predsjedavajućeg Predstavničkog doma Parlamentarne skupštine Bosne i Hercegovine, broj: 03/5-02-4-1721/24 od 12. 9. 2024, kojim se, u skladu s članom 106. stav (1) Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik), dostavlja Prijedlog dopune Poslovnika Predstavničkog doma Parlamentarne skupštine Bosne i Hercegovine, radi davanja mišljenja o usklađenosti s članom 105. Poslovnika i Jedinственим pravilima za izradu pravnih propisa u institucijama BiH (u daljnjem tekstu: Jedinствена pravila).

Prijedlog dopune Poslovnika podnio je Obren Petrović, poslanik u Predstavničkom domu Parlamentarne skupštine Bosne i Hercegovine, u skladu s članom 186. Poslovnika.

II. Prijedlog dopune Poslovnika podnesen je u skladu s članom 105. stav (1) Poslovnika, u pisanoj i elektronskoj formi na jednom od jezika i pisama u službenoj upotrebi u Bosni i Hercegovini (u daljnjem tekstu: BiH).

Uz Prijedlog dopune Poslovnika dostavljeno je obrazloženje koje sadrži elemente iz člana 105. stav (3) tač. a), b), c) i d) Poslovnika. U skladu s članom 105. stav (4), kada je poslanik


predlagač, mišljenje Direkcije za evropske integracije BiH o usklađenosti Prijedloga dopune Poslovnika s pravno obavezujućim normama EU, kao i mišljenja institucija i organizacija koje su konsultirane tokom izrade Prijedloga dopune Poslovnika, iz člana 105. stav (3) tačka e) Poslovnika, pribavlja Kolegij Doma.

Također, u skladu s članom 105. stav (5) Poslovnika, uz Prijedlog dopune Poslovnika priložen je član koji se dopunjava, te verzija prečišćenog teksta Poslovnika.

III. U pogledu usklađenosti Prijedloga dopune Poslovnika s Jedinstvenim pravilima, utvrđeno je da Prijedlog dopune Poslovnika svojom strukturom, formom i stilom odražava pravila izrade pravnih propisa, kako je to i propisano Jedinstvenim pravilima, međutim ukazujemo na postupanje u skladu s članom 46. (Svrha i obim izmjena i dopuna) Jedinstvenih pravila.

IV. S obzirom na utvrđenu štamparsku grešku u Prijedlogu dopune Poslovnika, a koji je dostavljen na srpskom jeziku i ćiriličnom pismu, ukazujemo na član 144. (Ispravke) Poslovnika, odnosno čl. 78, 79. i 80. Jedinstvenih pravila koji se odnose na identičnost propisa na tri službena jezika, te internu i konačnu jezičku provjeru propisa na službenim jezicima.

Naime, u Prijedlogu dopune Poslovnika na srpskom jeziku pogrešno je označen „član IV. Ustava BiH“ kao „član HB Ustava BiH“ te je ovo potrebno ispraviti u cijelom tekstu.

Rukovodilac
Zakonodavno-pravnog sektora
Bojan Šehovac


Dostavljeno:

- naslovu
- a/a